

եկաց Արիանոսաց, և եղև առիթ խռովութեանց և ատելութեանց բազմաց. զի վերստին վարեցան ուղղափառ եպիսկոպոսունք յաթոռոց տառապանօք և լլկանօք, ընդ որս և Աթանաս. եւ 'ի տեղի նոցա եղան Արիանոսք: Զի 'ի մտանել Գէորգայ եպիսկոպոսի Կապադովկացոյ յեկեղեցին յԱղէքսանդրիա հեթանոսական ամբողջ յաւուր տօնի Զատիկն, և յաւարի առնուլ զայն և անարգել ըզսրբութիւնն Աստուծոյ, Աթանաս խոյս ետ անտի և մեկնեցաւ 'ի Հռոմ (350): Իսկ Մաքսիմոս եպիսկոպոս Երուսաղէմի խոստովանող առձայնեալ, զի 'ի ժամանակս հալածանաց զրկեալ էր յաջոյ ականէ, որպէս և աջոյ սրունքն ջաղխեալ վասն 'ի Քրիստոս հաւատոցն. ձգեցաւ 'ի ժողովն Տիւրոսի յԵւսեբեանց ընդդէմ Աթանասի. նոյնպէս հարկեցաւ եւս առաջիկայ գտանել 'ի միւս ժողովն Երուսաղէմի ընդդէմ նորուն Աթանասի զինի կատարման նաւակատեաց Տաճարին Ս. Յարութեան, յորում ընկալաւ զԱրիոս, որով համարեցաւ 'ի կարգի Կեսարիոսեանց: Սա ձեռնադրեաց զՍ. Կիւրեղ սարկաւազ 'ի քահանայութիւն եկեղեցւոյն Երուսաղէմի, եւ նա հոգեբուղիս վարդապետութեամբ մխիթարէր զժողովուրդն: Դարձաւ Աթանաս 'ի Հռոմայ թղթով Կայսեր 'ի Կոստանդինուպօլիս, և հըրաման ետ նմա երթալ ունել զաթոռ իւր եւ զոր ինչ թուղթք հակառակութեան եւ մատնութեան գրեալ էին վասն նորս, մաշեցան 'ի հուր: Եւ Աթանաս եւ յԵրուսաղէմ եւ պատմեաց Մաքսիմոսի զամենայն անցս ժողովոյն Սարգիսիկայ և զկամս թագաւորաց, և նորս ուրախացեալ ընդ դարձ նորս արար ժողով 15 Եպիսկոպոսաց, ընկալաւ զԱթանաս 'ի հաղորդութիւն և գրեցին գիր խնդակցութեան միաբան ստորագրութեամբ յԱղէքսանդրիա և առ եպիսկոպոսունս Եգիպտացոց, աւետարանելով նոցա ըզդարձն Աթանասի: Ապա կացեալ Աթանասի աւուրս ինչ յԵրուսաղէմ, մեկնեցաւ յԱղէքսանդրիա յաթոռ իւր:

Կացեալ Մաքսիմոսի 'ի հայրապետութեան ամս 15 վախճանեցաւ (350): Անժառանգ մնաց առ վայր մի աթոռն Երուսաղէմի, զի Արիանոսք գուն գործէին տիրել այնմ, եւ կէսք զՀերակլիոս ոմն ասէին՝ թողեալ 'ի Մաքսիմոսէ լինել իւր աթոռակալ. իսկ ժողովուրդն խնդրէր զԿիւ-